



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo

**GRADSKO VIJEĆE**

Broj: 01-GV-02-993/23  
Sarajevo, 26.06.2023. godine

Na osnovu člana 31. stav (1) tačka b) i člana 77. stav (1) Statuta Grada Sarajeva („Službene novine Kantona Sarajevo”, broj 07/23) Gradsko vijeće Grada Sarajeva, na 29. sjednici održanoj dana 26.06.2023. godine, usvojilo je

Izvještaj o realizaciji Programa manifestacije obilježavanja 6. aprila – Dana grada Sarajeva u 2023. godini.

***PREDSJEDAVAJUĆI GRADSKOG VIJEĆA***

*Jasmin Ademović, s.r.*

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba





**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNICA**

*IZVJEŠTAJ*  
*O REALIZACIJI PROGRAMA MANIFESTACIJE OBILJEŽAVANJA*  
*6. APRILA – DANA GRADA SARAJEVA U 2023. GODINI*

*Sarajevo, juni 2023. godine*

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba



## I UVOD

Izvještaj je pripremljen u skladu sa Programom rada Gradskog vijeća Grada Sarajeva za 2023. godinu i ima za cilj potpuno informiranje vijećnika o realizaciji Programa manifestacije obilježavanja 6. aprila – Dana grada Sarajeva u 2023. godini. Gradsko vijeće Grada Sarajeva je, na sjednici održanoj dana 28.12.2022. godine, usvojilo Odluku o davanju saglasnosti na Program obilježavanja 6. aprila – Dana grada Sarajeva u 2023. godini, broj 01-GV-02-2029/22. Programom obilježavanja 6. aprila – Dana grada Sarajeva za 2023. godinu planirano je održavanje kulturnih i sportskih manifestacija, Svečana sjednica Gradskog vijeća Grada Sarajeva, dječji program, program na otvorenom, polaganje cvijeća i odavanje počasti na spomen-obilježja u gradu Sarajevu.

U nastavku slijedi detaljan Izvještaj o realizaciji Programa manifestacije obilježavanja 6. aprila – Dana grada Sarajeva u 2023. godini.

## II ODAVANJE POČASTI I POLAGANJE CVIJEĆA

Delegacija Grada Sarajeva – gradski vijećnici, predvođeni gradonačelnicom doc. dr. Benjaminom Karić i predsjedavajućim Gradskog vijeća Grada Sarajeva Jasminom Ademovićem, zajedno sa predstavnicima drugih nivoa vlasti, položila je cvijeće na spomen-obilježja grada Sarajeva i odala počast poginulim braniteljima grada i žrtvama fašizma u povodu 6. aprila – Dana grada Sarajeva prema ranije utvrđenom protokolu:

### **05.04.2023. Dan opsade Sarajeva**

10:00 Most Suada Dilberović i Olga Sučić  
11:00 Spomenik „Dobrinjska barikada“

### **06.04.2023. Dan grada Sarajeva**

09:00 Spomen-obilježje „Vječna vatra“  
09:30 Šehidsko mezarje „Kovači“  
– Mezar Prvog predsjednika R BiH, Alije Izetbegovića  
10:00 Spomen-obilježje ubijenoj djeci opkoljenog Sarajeva 92.- 95.  
10:10 Spomen-obilježje ubijenim policajcima u Velikom parku (11 mezara)  
10:30 Gradska groblja: Lav, Sv. Josip, Sv. Marko i Mezarje Stadion (Koševo)  
10:45 Bista Vladimir Perić – Valter  
11:00 Spomen-park „Vraca“  
11:15 Policijska škola „Vraca“  
11:30 Staro Jevrejsko groblje  
12:00 Spomen-obilježje ispred Općine Novi Grad Sarajevo

## III KULTURNE MANIFESTACIJE

### **ŠESTOAPRILSKA IZLOŽBA „COLLEGIUM ARTISTICUM“**

Šestoaprilska izložba Collegium Artisticum 2023. otvorena je 05.04.2023. godine u 17:00 sati u galeriji Collegium artisticum u Centru Skenderija. Organizatori ovogodišnje izložbe bili su Asocijacija arhitekata u BiH i Udruženje likovnih umjetnika Bosne i Hercegovine, uz Udruženje likovnih umjetnika primijenjenih umjetnosti i dizajnera (ULUPUuBiH) i JU Collegium artisticum.

## UDRUŽENJE LIKOVNIH UMJETNIKA BiH

U trenutku sačinjavanja ovog izvještaja Udruženje likovnih umjetnika u BiH nije dostavilo Izvještaj o utrošku sredstava. Dostavljeno je svojevrsno obrazloženje od strane Udruženja. *Grad Sarajevo je za nagradni fond doznačio 2.000,00 KM.*

## ASOCIJACIJA ARHITEKATA U BiH

Na otvorenju izložbe dodijeljena su priznanja i nagrade za selektovane radove sva tri udruženja, kao i Grand Prix nagrada koju je Udruženje likovnih umjetnika primijenjenih umjetnosti u BiH (ULUPUuBiH) ove godine dodijelilo Samini Tanović. Asocijacija arhitekata u BiH, odlukom stručnog žirija, ove godine nije dodijelila Grad Prix nagradu. Izložba je ostala otvorena za javnost do 26.04.2023. godine. Asocijacija arhitekata u BiH je 2023. godine bila nosilac dijela organizacije izložbe, ispred Udruženja likovnih umjetnika primijenjenih umjetnosti u BiH i Asocijacije arhitekata u BiH. Ove godine održana je izložba na kojoj su radove prikazala 73 autora te je predstavljeno 112 radova ispred navedena dva udruženja. Veliki broj posjetilaca i stručne javnosti, cca 300 ljudi, prisustvovalo je otvorenju izložbe, a na osnovu čega se može zaključiti da je ista realizovana veoma uspješno. Asocijacija arhitekata u BiH dostavila je Izvještaj o utrošku sredstava. *Grad Sarajevo je za nagradni fond doznačio 1.000,00 KM.*

## LIKOVNA IZLOŽBA U OKVIRU PROJEKTA „ČESME MOGA GRADA“

Projekat „Česme moga grada“ nastao je u saradnji Gradske uprave Grada Sarajeva i JU Srednja škola primijenjenih umjetnosti, a povodom obilježavanja 6. aprila – Dana Grada Sarajeva. Izložba je održana u galeriji Srednje škole primijenjenih umjetnosti Sarajevo. Na konkurs „Česme moga grada“ pristigla su 52 rada iz srednjih škola s područja Kantona Sarajevo. Članovi žirija, vođeni kriterijima koji su propisani konkursom, jednoglasno su donijeli odluku o 29 likovnih radova koji su bili izloženi na ovogodišnjoj izložbi „Česme moga grada“. Izložbu je otvorio bosanskohercegovački slikar Irfan Hozo, a prisutnima se obratila direktorica mr. Elma Alić-Šobot. Na svečanom otvaranju izložbe, pored velikog broja posjetilaca koji su stigli iz drugih škola širom Kantona Sarajevo, prisutan je bio i veliki broj zvanica, kao i predstavnici medija. Izložba je bila otvorena do 13. aprila 2023. godine. Veliki broj posjetilaca je u danima trajanja izložbe posjetio istu te su bili oduševljeni radovima učenika i iskazanoj ljubavi prema Sarajevu. Komisija je djelovala u sastavu Irfan Hozo, predsjednik žirija, Elma Alić-Šobot, član žirija i Amra Patković, član žirija. Od 29 izabranih radova, komisija se odlučila za najbolja tri likovna rada, a to su:

**Prva nagrada** – Hana Nurkić – JU Srednja škola primijenjenih umjetnosti Sarajevo

**Druga nagrada** – Nedim Sadiković – JU Srednja škola primijenjenih umjetnosti Sarajevo

**Treća nagrada** – Aida Pindžo – JU Srednja škola primijenjenih umjetnosti Sarajevo

*Grad Sarajevo je za realizaciju projekta „Česme moga grada“ i nagrade autorima najbolja tri rada, odnosno za otkup istih, izdvojio iznos od ukupno 3.600,00 KM. Narativni izvještaj je dostavljen, čeka se na dopunu finansijske dokumentacije.*

## POZORIŠNE PREDSTAVE ZA DJECU

JU Pozorište mladih Sarajevo u trenutku sačinjavanja ovog izvještaja nije dostavila Izvještaj o utrošku sredstava. *Grad Sarajevo je za realizaciju tri predstave s besplatnim kartama doznačio 5.000,00 KM.*

## **IV SPORTSKE MANIFESTACIJE**

### **MEĐUNARODNI KUGLAŠKI TURNIR ZA SLIJEPE „SARAJEVO 2023“**

Termin: 04.04.2023. godine.

Mjesto održavanja: Kuglana „Zetra“.

Organizator: Sportsko društvo slijepih i slabovidnih KS.

Povodom 6. aprila – Dana grada Sarajeva, u kuglani „Zetra“ održan je 14. Međunarodni kuglaški turnir za slijepe „Sarajevo 2023“. Na turniru je nastupio 52 kuglaša i kuglašica iz 11 ekipa. Ekipno prvo mjesto osvojila je ekipa KPŠRD Karel Jerah Ljubljana Slovenija, drugo mjesto ekipa ŠUS Podravina Koprivnica Hrvatska, treće mjesto MDS Kranj Slovenija. U pojedinačnoj konkurenciji bilo je sedam kategorija, četiri muške i tri ženske. U kategoriji B1 muškarci prvo mjesto osvojio je Osolnik Mitja iz Ljubljane, u kategoriji B2 najbolji je bio Lampe Jože iz Kranja, u kategoriji B3 pobjednik je Macan Zoran iz Banja Luke, a u kategoriji B4 pobjednik je Lončar Željko iz Požege. U konkurenciji žena u kategoriji B1 najbolja je bila Šola Iva iz Koprivnice, u kategoriji B2 pobjednica je domaća takmičarka Đukić Tanja, dok je u kategoriji B3 pobjednica Markešić Ruža iz Zagreba.

*Za realizaciju turnira odobrena su sredstva iz Budžeta Grada Sarajeva u iznosu od 7.000,00 KM.*

### **MEĐUNARODNI KOŠARKAŠKI TURNIR**

Termin: 31.03.-02.04.2023. godine.

Mjesto održavanja: Centar Skenderija.

Organizator: Košarkaški klub „Koš“.

Ovogodišnji turniru organizovao se u dva dijela. U prvom i u drugom dijelu učestvovalo je po 12 ekipa iz sedam zemlja: Turska, Slovenije, Hrvatske, Srbije, Crne Gore, Makedonije i Bosne i Hercegovine u kategorijama pionira, kadeta i juniora. U kadetskoj konkurenciji pobijedila je ekipa Cedevita Olimpija ispred Akademija Istanbul i Budućnost Voli. Proglašena je i najbolja petorka turnira u sastavu Ege Sak (Akademija Istanbul), Mark Međedović (Cedevita Olimpija), Kadribegović Tarik (KK Koš), Kremenović Gabrijel (Rijeka) i Tatić Milan (Budućnost). Najkorisniji igrač bio je Bine Gabrijel (Cedevita Olimpija).

U konkurenciji juniora prvo mjesto osvojila je ekipa Spartak Subotica, dok su drugo i treće mjesto osvojile ekipe Darussafaka, odnosno SC Derby. Najbolja petorka u ovoj konkurenciji bila je u sastavu: Mehmet Ersin Erfa (Darussafaka), Kojić Dobrivoje (Sparta), Avdić Belmin (KK Koš), Fabijanić Jakob (Grad Rijeka) i Hrelja Tarik (SC DERBY). Za najkorisnijeg igrača proglašen je Kojić Dobrivoje (Spartak).

*Za realizaciju turnira odobrena su sredstva iz Budžeta Grada Sarajeva u iznosu od 12.000,00 KM.*

### **TURNIR U STRELJAŠTVU ZA OSOBE SA INVALIDITETOM**

Termin: 01.04.2023. godine. Mjesto održavanja: Streljana „Zetra“

Organizator: Streljački savez invalidnih lica FBiH.

U povodu 6. aprila – Dana grada Sarajeva, a u organizaciji Streljačkog saveza osoba sa invaliditetom Federacije Bosne i Hercegovine, na strelištu Zetra održan je jubilarni 20. Tradicionalni Šestoaprilski turnir u streljaštvu za osobe sa invaliditetom. Učestvovalo je 11 ekipa sa preko 70 strijelaca iz Sarajeva, Zenice, Tuzle, Maglaja, Žepča, Tešnja, Sanskog Mosta, Živinica i Banovića. Prema propozicijama, takmičenje je bilo u ekipnoj i pojedinačnoj konkurenciji, a prema klasifikacijskim grupama. U ekipnom plasmanu prvo mjesto osvojila je ekipa SKOSI XP Žepče SIK Tuzla sa 538 krugova, drugo mjesto pripalo je SK OSI Novi Grad Sarajevo sa 519 kruga, a treće sa SIK Tuzla 515 kruga. Zlatne medalje po klasifikacijama invalidnosti osvojili su Marko Budimir, Edib Šahman i Šaban Fatić. U ekipnoj konkurenciji kod žena ekipa SKOSI Živinice osvojila je prvo mjesto sa 355 krugova, drugo mjesto osvojila je ekipa SIK Tuzla sa 333 krugova, a treće mjesto pripalo je ekipi SKOSI Tešanj sa 291 krugom. Zlatne medalje po klasifikacijama invalidnosti osvojile su Safeta Jagodić, Alma Tursunović i Mirela Ramić.

*Za realizaciju turnira odobrena su sredstva iz Budžeta Grada Sarajeva u iznosu od 2.000,00 KM.*

### **MEĐUNARODNI HRVAČKI TURNIR „KUP GRADA SARAJEVA 2023“**

Termin: 08.-09.04.2023. godine.

Mjesto održavanja: Olimpijska dvorana ZETRA Juan Antonio Samaranch

Organizator: Hrvачki klub „Bosna“.

Na ovogodišnjem turniru učešće je uzelo oko 150 takmičara iz 17 klubova i 8 država. Takmičenje je održano po pravilima svjetske hrvačke federacije u fair play atmosferi. Sveukupni pobjednik za sve uzrasne kategorije je Hrvачki klub „BOSNA” Sarajevo.

Takmičenje je otvorio predsjedavajući Gradskog vijeća Jasmin Ademović.

*Za realizaciju turnira odobrena su sredstva iz Budžeta Grada Sarajeva u iznosu od 6.000,00 KM.*

### **MEĐUNARODNI ŠESTOAPRILSKI TURNIR U STRELJAŠTVU**

Termin: 07-09.04.2023. godine

Mjesto održavanja: Streljana „Zetra“

Organizator: Streljački klub „Sarajevo“

Na ovogodišnjem takmičenju nastupio je rekordan broj takmičara u seniorskoj konkurenciji. Došli su najbolji takmičari 27 ekipa iz jedanaest zemalja: Slovenije, Hrvatske, Crne Gore, Srbije, Sjeverne Makedonije, Mađarske, Češke Republike, Francuske, Rumunije, Moldavije i Bosne i Hercegovine. Prvog dana takmičenja na programu su bila takmičenja u ekipnoj i pojedinačnoj konkurenciji u gađanju zračnim oružjem. U ekipnom plasmanu u disciplini puška muškarci najuspješniji su bili takmičari SK Sarajevo koji su slavili ispred slovenačkih ekipa SD Trzin i SD I Pohorski bataljon. Pojedinačno prvo mjesto osvojio je svjetski i evropski rekorder i sedmerostruki evropski prvak Peter Sidi iz Mađarske. U konkurenciji žene puška, također, najuspješnije su bile domaće takmičarke SK Sarajevo koje su obranile prvo mjesto osvojeno prošle godine. Pojedinačno prvo mjesto osvojila je Roxana Sidi iz Rumunije, drugo mjesto pripalo je Farah Oneščuk SK Sarajevo, a treće Urški Hrašovec iz Slovenije. U muškoj konkurenciji pištoljem najuspješniji su bili domaći takmičari SK Sarajevo koji su pobijedili ispred takmičara SD Trzin i reprezentacije Crne Gore. Pojedinačno kod muškaraca prvo mjesto osvojio je takmičar SD Kikinda Duško Petrov, a kod žena Anna Dulce iz Moldavije.

Drugog dana takmičenja takmičari su se borili za simbolične nagrade u pojedinačnoj konkurenciji. Kod žena najuspješnija je bila opet Roxana Sidi koja je sa sjajnim gađanjem u finalu pobijedila ispred takmičarke iz Srbije Marije Kolarević. Treće mjesto pripalo je Slovenki Urški Hrašovec. Najzujbudljivije finale bilo je kod seniora i pobjednik se nije znao do zadnjeg ispaljenog metka, ipak ponovo je najbolji bio Mađar Peter Sidi koji je pobijedio ispred Slovenca Luke Lukića. Treće mjesto pripalo je Mateju Rašiću SD Geofon Teslić. U gađanju zračnim pištoljem za žene ponovo je najbolja bila Moldavka Anna Dulce. Drugo i treće mjesto pripalo je reprezentativkama Crne Gore Neveni Šaranović, odnosno Anđeli Miličković. Kod Muškaraca Opet je siguran bio reprezentativac Srbije Duško Petrov koji je bio bolji od Nikole Jovičića SK Geofon i Kristijan Vinka iz SD Trzin.

Takmičenje je otvorila dogradonačelnica Anja Margetić.

*Za realizaciju turnira odobrena su sredstva iz Budžeta Grada Sarajeva u iznosu od 10.000,00 KM.*

### **MEĐUNARODNI PLIVAČKI MITING „SARAJEVU S LJUBAVLJU 2023“**

Termin: 01.-02.04.2023. godine

Mjesto održavanja: Olimpijski bazen „Otoka“

Organizator: Plivački klub „Bosna“

Na ovogodišnjem jubilarnom dvadesetom Međunarodnom plivačkom mitingu „Sarajevu s ljubavlju“ nastupilo je 424 plivačice i plivača iz 36 klubova koji su došli iz pet zemalja. Najuspješnije plivačice po kategorijama bile su: Iman Avdić, apsolutna kategorija, PK Sport Time, Iman Avdić, do 16 godina, PK Sport Time, Ajša Gušić, do 14 godina, PK Sport Time Jasna Borović do 12 godina, PK Budvanska rivijera Crna Gora i do 10 godina Sara Petrović PK Budvanska rivijera Crna Gora. Najuspješniji

plivači po kategorijama bili su: Uroš Nikolić, apsolutna kategorija, PK Vojvodina Srbija, Milan Milenković, do 18 godina, PK Budvanska rivijera Crna Gora, Arian Kadić, do 16 godina, PK Sport Time Sarajevo, Sami Burazerović, do 14 godina, PK Sharks Sarajevo i Joško Rozić do 12 godine, PK Orka Mostar.

*Za realizaciju mitinga odobrena su sredstva iz Budžeta Grada Sarajeva u iznosu od 7.000,00 KM.*

### **MEĐUNARODNI MEMORIJALNI JUDO TURNIR „VINKO ŠAMARLIĆ“**

Termin: 08.04.2023. godine

Mjesto održavanja: Sportska dvorana Goran Čengić.

Organizator: Judo klub „Željezničar“.

Na 31. Međunarodnom memorijalnom judo turniru „Vinko Šamarlić“ učestvovalo je više od 386 takmičara iz 31 kluba. Prvo mjesto ekipno osvojio je JK „Laktaši“ iz Laktaša, drugo mjesto JK „Nova Bila“ iz Nove Bile, a treće JK „Randori“ iz Istočnog Sarajeva. Proglašeni su i najbolji takmičari. U kategoriji U9M – Knezović Jovan, JK Sparta, U9W – Njegović Selma, JK Braća Lukač, U11M – Bjelogrić Vitor, JK Leotar, U11W – Josipa Biljaka, JK Nova Bila, U13M – Filip Šehovac, JK Famos, U13W – Ajsa Njegović, JK Braća Lukač, U15M – Aleksa Curović, JK Randori U15W – Ela Marković, JK Bosna, U18M – Denis Kadrić, JK Lukavac, U18W – Dunja Jovičić, JK Randori.

*Za realizaciju turnira odobrena su sredstva iz Budžeta Grada Sarajeva u iznosu od 6.000,00 KM.*

### **MEĐUNARODNI ŠAHOVSKI FESTIVAL „SARAJEVO 2023“**

Termin: 06.05.2023. godine

Mjesto održavanja: Dom oružanih snaga BiH

Organizator: Šahovski klub „Sarajevo“

Na turniru je učestvovalo 76 takmičara i takmičarki, od čega 2 velemajstora, 5 internacionalnih majstora i 12 nosioca titule FIDE majstor. Pobjednik Festivala je velemajstor Emir Dizdarević, a najuspješnija šahistkinja je kadetkinja Hana Bešlija, oboje iz Sarajeva

*Za realizaciju turnira odobrena su sredstva iz Budžeta Grada Sarajeva u iznosu od 3.000,00 KM.*

### **GOLF TURNIR POVODOM DANA GRADA SARAJEVA 2023.**

Termin: 16.04.2023. godine

Mjesto održavanja: VF Golf teren

Organizator: Golf klub „Sarajevo“

**Nisu ni ove godine dostavili izvještaj niti opravdali odobrena sredstva.**

#### **Napomena:**

Služba ne raspolaže informacijom da li je Međunarodni turnir u ritmičkoj gimnastici „Suada Dilberović“ održan, a organizator manifestacije KRG BosnaGym nije dostavio zahtjev za sufinansiranje manifestacije.

Organizator manifestacije Golf turnir povodom Dana grada Sarajeva 2023. godine, nisu, iako smo im uputili više zahtjeva, dostavili narativni i finansijski izvještaj o održanoj manifestaciji do momenta izrade ovog Izvještaja.

## V FINANSIRANJE OD STRANE GRADA SARAJEVA U 2023. GODINI

U segmentu podrške kulturnim i sportskim manifestacijama, a koje se održavaju u povodu obilježavanja 6. aprila – Dana grada Sarajeva sufinansirani su sljedeći projekti:

	Manifestacija	Organizator	Iznos
1	Šestoaprilska izložba „COLLEGIUM ARTISTICUM“	Udruženje likovnih umjetnika primijenjenih umjetnosti i dizajnera u Bosni i Hercegovini, Udruženje likovnih umjetnika u Bosni i Hercegovini, Asocijacija arhitekata u Bosni i Hercegovini i Javna ustanova „Collegium artisticum“ Sarajevo	3.000,00
2	Likovna izložba u okviru projekta „Česme moga grada“	Grad Sarajevo i JU Srednja škola primijenjenih umjetnosti Sarajevo	3.600,00
3	Pozorišne predstave za djecu	Grad Sarajevo i JU Pozorište mladih Sarajevo	5.000,00
4	Međunarodni Šestoaprilski turnir u kuglanju za slijepce i slabovidne osobe	Sportsko društvo slijepih i slabovidnih KS	7.000,00
5	Međunarodni Šestoaprilski turnir u košarci	Košarkaški klub „Koš“	12.000,00
6	Šestoaprilski turnir u streljaštvu za osobe sa invaliditetom	Streljački savez invalidnih lica FBiH	2.000,00
7	Šestoaprilski turnir u hrvanju „Kup grada Sarajeva“	Hrvački klub "Bosna"	6.000,00
8	Međunarodni Šestoaprilski turnir u streljaštvu	Streljački klub "Sarajevo"	10.000,00
9	Međunarodni plivački miting „Sarajevu s ljubavlju“	Plivački klub „Bosna“	7.000,00
10	Međunarodni memorijalni judo turnir Vinko Šamarlić“	Judo klub "Željezničar"	6.000,00
11	Međunarodni šahovski festival „Sarajevo 2023“	Šahovski klub „Sarajevo“	3.000,00
12	Golf turnir povodom Dana grada Sarajeva 2023	Golf klub „Sarajevo“	3.000,00



## V SVEČANA SJEDNICA GRADSKOG VIJEĆA GRADA SARAJEVA

U auli sarajevske Vijećnice održana je Svečana sjednica Gradskog vijeća povodom 6. aprila – Dana grada Sarajeva.

Gradonačelnica Benjamina Karić i predsjedavajući Gradskog vijeća Jasmin Ademović, u ulozi domaćina, uručili su najviše gradske nagrade i priznanja te prigodnim obraćanjem pozdravili goste Grada Sarajeva.

Pored gradskih vijećnika, diplomatskog kora, predstavnika svih nivoa vlasti u zemlji, organizacija civilnog društva i boračkih organizacija, bivših gradonačelnika, sjednici su prisustvovali i brojne delegacije iz prijateljskih i bratskih gradova: Prato, Wolfsburg, Novi Pazar, Vukovar, Koprivnica, Dubrovnik, Ankara, Skupština Grada Zagreba, ambasador Republike Armenije za BiH.

Brojni gradonačelnici uputili su čestitke Gradu Sarajevu povodom 6. aprila: Tunç Soyer, gradonačelnik Izmir, Ada Colau, gradonačelnica Barcelone, Sofije – Yordanka Fandakova, Simone Borris, gradonačelnica Magdeburga, Filip Zoričić, gradonačelnik Pule, Tomislav Tomašević, gradonačelnik Zagreba, Vladimir Jokić, predsjednik Općine Kotor i Bara, Dušan Raičević.

Dobitnik pojedinačne „Šestoaprilske nagrade Grada Sarajeva“ u 2023. godini je akademik Kemal Hanjalić, a Kolektivne – Komora medicinskih sestara-tehničara Kantona Sarajevo.

Priznanje „Počasni građanin Grada Sarajeva“ posthumno je dodijeljeno Milanu Mladenoviću, a „Plaketa Grada Sarajeva“, također, posthumno Anuru Hadžiomerspahiću, te Vincentu Tanu i akademiku Borislavu Petroviću.

Pašaga Grbo – Paša dobitnik je nagrade „Graham Bamford“, „Sarajevska pahuljica“ pripala je Emini Sipović, Nejri Sipović, Amajli Kadrić, te grupi koju čine učenice i učenici Druge gimnazije Sarajevo: Matea Šarkinović, Mona Husein, Soraja Salčin, Kamran Karić, Ammar Pašanović, Ian Lalić i Rijad Pejkušić.

## VI MEĐUNARODNA SARADNJA

Programom međunarodne saradnje Grada Sarajeva za 2023. godinu predviđeno je obilježavanje 6. aprila – Dana grada Sarajeva, u prisustvu delegacija pobratimskih i prijateljskih gradova.

Na poziv Grada Sarajeva, Svečanoj sjednici Gradskog vijeća, koja je održana povodom 6. aprila – Dana grada Sarajeva, prisustvovali su sljedeće delegacije: Matteo Biffoni, gradonačelnik Prata; Dennis Weilmann, gradonačelnik Wolfsburga; Nihat Biševac, gradonačelnik Novog Pazara i Ensar Škrijelj, pomoćnik gradonačelnika Novog Pazara; Filip Sušac, zamjenik gradonačelnika Vukovara i Ana Lovrić, savjetnica za odnose s javnošću Grada Vukovara; Ksenija Ostriž, zamjenica gradonačelnika Koprivnice i Tomislav Golubić, pročelnik Upravnog odjela za izgradnju grada, upravljanje nekretninama i komunalnog gospodarstva Grada Koprivnice; Jasmin Deraković, potpredsjednik Gradskog vijeća Grada Dubrovnika; Ramazan Kabasakal, šef Odjeljenja za međunarodnu saradnju Grada Ankara; gradske zastupnice Skupštine Grada Zagreba Rada Borić i Davorka Moslavac Forjan; Ashot Hovakimian, ambasador Republike Armenije za BiH.

Gosti Grada Sarajeva bili su i Maja Maričić koja je preuzela priznanje „Počasni građanin Grada Sarajeva“ koje je posthumno dodijeljeno Milanu Mladenoviću, te učesnici projekta „Grijanje opkoljenog Sarajeva“ Ad Beljaars i Jan van Gaalen, kojima je gradonačelnica Grada Sarajeva uručila zahvalnice 5. aprila.

Brojni gradonačelnici uputili su čestitke Gradu Sarajevu povodom 6. aprila: Tunç Soyer, gradonačelnik Izmir, Ada Colau, gradonačelnica Barcelone, Yordanka Fandakova, gradonačelnica Sofije, Simone Borris, gradonačelnica Magdeburga, Filip Zoričić, gradonačelnik Pule, Tomislav

Tomašević, gradonačelnik Zagreba, te Vladimir Jokić, predsjednik Općine Kotor Dušan Raičević, predsjednik Općine Bar.

Priznanje „Počasni građanin Grada Sarajeva” posthumno je dodijeljeno Milanu Mladenoviću, a „Plaketa Grada Sarajeva” Vincentu Tanu.

#### **Bilateralni sastanak sa gradonačelnikom Wolfsburga Dennisom Wilemannom, Sarajevo, 07.04.2023.**

Gradonačelnica Grada Sarajeva Benjamina Karić susrela se sa 7. aprila sa gradonačelnikom pobratimskog Grada Wolfsburga Dennisom Weilmannom koji je bio gost Grada Sarajeva povodom 6. aprila – Dana grada Sarajeva.

Tokom razgovora, gradonačelnica Karić je istakla da je Povelja prijateljstva sa Gradom Wolfsburgom potpisana davne 1985. godine, upravo u vrijeme kada je gradonačelnik Sarajeva bio akademik Kemal Hanjalić, kojem je 6. aprila 2023. na Svečanoj sjednici Gradskog vijeća Grada Sarajeva uručena Šestoaprilska nagradu Grada Sarajeva.

Čelnici dva grada razgovarali su o jačanju saradnje Sarajeva i Wolfsburga, naročito u oblasti kulture i obrazovanja, te o obilježavanju 40. godišnjice pobratimskih veza 2025. godine.

#### **Sastanak sa ambasadorom Republike Armenije za BiH Ashotom Hovakimianom, 07.04.2023.**

Gradonačelnica Grada Sarajeva Benjamina Karić susrela se 7. aprila sa ambasadorom Republike Armenije Nj. E. Ashotom Hovakimianom koji je bio gost Grada Sarajeva povodom 6. aprila – Dana grada Sarajeva.

Nastupna posjeta armenijskog ambasadora u oktobru 2022. godine bila je uvertira u jačanje odnosa Grada i Ambasade, ali i bh. prijestolnice i armenskih gradova.